



620

Broj: 11-05-38-sl./16
Sarajevo, 01.06.2016. godine

SKUPŠTINA KANTONA SARAJEVO

PREDMET: Odgovor na zastupničko pitanje, br: 16-49-87-101/16 od 16.05.2016. godine,
dostavlja se

PITANJE: Zastupnica u Skupštini Kantona Sarajevo Srna Bajramović Srna, na 14. Radnoj sjednici Skupštine Kantona Sarajevo, održanoj dana 27.04.2016. godine, u okviru tačke Dnevnog reda „Poslanička pitanja, inicijative i odgovori“, postavila je sljedeće zastupničko pitanje:

„S obzirom da u javnosti već mjesecima slušamo zabrinjavajuće informacije oko zakonitosti utroška javnih sredstava u okviru SPUS, a radi se o stotinama hiljada maraka, smatram kako je izuzetno važno da zbog cjelokupne studentske populacije raščistimo navedenu situaciju.

Iz gore navedenih razloga, tražim od nadležnih da se dostave finansijski izvještaji za sve one godine za koje nisu dostavljeni.

Podsjećam kako je posljednji izvještaj objavljen za 2012./2013. godinu.

Studenti kao budućnost ovog društva moraju biti svijetla tačka u poštivanju svih principa transparentnosti i zakonitosti utroška javnog novca, te kao takvi nikada ne smiju dopustiti da budu predmet političkih igara i mešetarenja.

Zato u interesu velike većine studenata želim da se objavom spornih izvještaja utvrdi stvarno i objektivno stanje na bazi kojeg će se sistemski kroz institucije ove zemlje završiti ova višemjesečna trakavica koja ne koristi nikome, a naprotiv, značajno šteti dignitetu studentske populacije.”

ODGOVOR:


Članom 46. st. (3) i (4) Zakona o studentskom organizovanju na području Kantona Sarajevo („Službene novine Kantona Sarajevo“, broj: 11/10) propisano je:

- (3) Nadzor nad obavljanjem djelatnosti i raspolaganjem finansijskim sredstvima SPVU-e vrši Upravni odbor visokoškolske ustanove, u skladu sa opštim aktom visokoškolske ustanove.
- (4) Unija i studentska predstavnička tijela visokoškolskih ustanova obavezni su svakih šest mjeseci dostavljati izvještaje o finansijskom poslovanju organima koji vrše nadzor nad njihovim radom.

S obzirom da je članom 46. Zakona o studentskom organizovanju na području Kantona Sarajevo („Službene novine Kantona Sarajevo“, broj: 11/10) propisano da nadzor nad obavljanjem djelatnosti i raspolaganjem finansijskim sredstvima Studentskog parlamenta vrši Upravni odbor visokoškolske ustanove te da se finansijski izvještaji dostavljaju organu koji vrše nadzor nad njihovim radom, Ministarstvo za obrazovanje, nauku i mlade Kantona Sarajevo je zatražilo od Upravnog odbora Univerziteta u Sarajevu dostavljanje predmetnih izvještaja, nakon čega ćemo Vam iste proslijediti.

S poštovanjem,

17-06-2016



MINISTAR

Prof. dr. Elvir Kazazović

Dostaviti:

1. Naslovu,
2. Stručna služba Vlade Kantona Sarajevo
3. a/a



web: <http://www.mon.ks.gov.ba>

e-mail: mon@mon.ks.gov.ba;

Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

